

Tungaviusumik Inatsisissaq pillugu Isumalioqatigiissitap katitigaanera Naalakkersuisut nutarterpaat



Naalakkersuisut januaarip qulinganni aalajangerput, Mala Høy Kúko, Siumut, Tungaviusumik Inatsisissaq pillugu Isumalioqatigiissitamiit tunuassasoq. Isumalioqatigiissitami Mala Høy Kúkop ilaasortaaffia inuttalerneqanngikkallassaaq. Taamannak aalajangernermut Atassutip Inatsisartuni ilaasortaatitaarunneranik tungaveqarpoq.

Taamaalillunilu Isumalioqatigiissitami ilaasortanut inissat arfiniliinnaagallassapput.

Naalakkersuisut aamma aalajangerpaat, Ane Hansenip, Inuit Ataqtigiit, Inatsisartuni sulinngiffeqarnera pissutaalluni Isumalioqatigiissitamiit ilaasortaajunnaartinneqassasoq. Naalakkersuisullu Inuit Ataqtigiinnut innersuussutigaaq isumalioqatigiissitamut ilaasortaatitassaminnik nutaamik innersuussuteqaqqullugit.

Kommuneqarfiit neqeroorfigineqassapput Tungaviusumik Inatsisissaq pillugu Isumalioqatigiissitap sulineranut suleqataasinnaassasut

Isumalioqatigiissitap suleriesissaanut najoqqutassiami allassimavoq Naalakkersuisut inunnik marluk sisamallu akornanniittunik Isumalioqatigiissitamut aalajangeeqataanatik peqataasartussanik toqqaasinnaatitaassasut. Naalakkersuisullu aalajangerpaat kommuneqarfiit neqeroorfigineqassasut periarfissinneqassasullu borgmesteri Isumalioqatigiissitami aalajangeeqataanani peqataasartussatut toqarneqarsinnaasoq.

”Tungaviusumik Inatsisissaq pillugu Isumalioqatigiissitap katitigaanerata aaqqiivigineqarnera iluarisimaarpara, tamanna suliakkiissutinut najoqqutassiamut taamalu inatsisartut Naalakkersuisunut Isumalioqatigiissitap pilersinneqarneranut tungavilliineranut naapertuuppoq taamaasilluni isumalioqatigiissitami sulineq nangittumik ingerlaqqissinnaalissaaq, innersuussutigalugu Isumalioqatigiissitami siulittaasup tullialalu tusagassiutinut nalunaarutaanni “suleriaqqissinnaanissamut piareersimanertik” oqariartuutigimmassuk. Taamaammat qilanaarpunga Isumalioqatigiissitap sulinera nangittumik malinnaaviginissaanut sulilluarnissaanillu kissaallugit”, Suka K. Frederiksen oqarpoq.

Annertunerusumik paasiniaaffissatut attavigineqarsinnaavoq Naalakkersuisup allattaa Naasunnguaq Olsen oqarasuaat: 345414 e-mail: nasu@nanoq.gl